

**ԹՈՒՐՔԱԿԱՆ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐԻ
ԵՎ ԿՈՒՍԱԿՑԱԿԱՆ ՀԱՄԱԿԱՐԳԻ ՈՐՈՇ
ԱՌԱՆՁՆԱՀԱՏԿՈՒԹՅՈՒՆՆԵՐԻ ՇՈՒՐՋ.
ՀԱՄԱՌՈՏ ԴԻՏԱՐԿՈՒՄ**

Արտակ Շաքարյան

2002թ. նոյեմբերի 3-ին տեղի ունեցած խորհրդարանական ընտրություններն ավարտվեցին Արդարություն և զարգացում կուսակցության (ԱԶԿ) հաղթանակով. 1987թ. ի վեր այն դարձավ առաջին կուսակցությունը, որը ստացավ խորհրդարանի աթոռների հստակ մեծամասնությունը: Չախակողմյան Հանրապետական ժողովրդական կուսակցությունը (ՀԺԿ) հաղթահարեց համամասնական ընտրացուցակների 10%-ոց ընտրաշեմը և տեղ գրավեց խորհրդարանում: ԱԶԿ-ն ստացավ քվեների մոտ 34%-ը, ՀԺԿ-ն՝ 20%: Փաստորեն 46%-ի ձայնը ոչ մի ազդեցություն չունեցավ ընտրությունների վրա, քանի որ մնացած բոլոր կուսակցությունները չկարողացան հաղթահարել 10%-ոց ընտրաշեմը (*տե՛ս նկար 1 և աղյուսակներ 1, 2*):

Աղյուսակ 1

Թուրքիայի 2002թ. նոյեմբերի 3-ի խորհրդարանական ընտրությունների արդյունքները¹


Ընդհանուր քվեատուփ	172.143
Ընտրողների ընդհանուր թիվը	41.407.015
Քվեարկածների ընդհանուր թիվը	32.753.386
Վավեր քվեների ընդհանուր թիվը	31.510.007
Արտասահմանում ընտրողների թիվը	115.459
Արտասահմանում քվեարկածների ընդհանուր թիվը	115.459
Արտասահմանում վավեր քվեների ընդհանուր թիվը	113.782
Մասնակցության համամասնությունը	79.10%
Պատգամավորների թիվը	550

Գործող կառավարության կոալիցիայի անդամները կրեցին ամենածանր կորուստները: 1999թ. խորհրդարանական ընտրությունների համեմատ կոալիցիայի ամենահզոր Ժողովրդավարական ձախ կուսակցության (ԺԶԿ) ձեռք բերած քվեները նվազեցին մինչև

¹ http://www.belgenet.com/ayrinti.php?yil_id=14&il_id=0

1,2%, Ազգայնական շարժում կուսակցությունը (ԱՇԿ) կորցրեց 9,6%, իսկ Մայր հայրենիք կուսակցությունը (ՄՀԿ)՝ 12,9% քվե: Այսպիսով, կոալիցիայի կուսակցությունները միասին կորցրին 39% քվե՝ 1999թ. ապրիլի 18-ի խորհրդարանական ընտրությունների համեմատ:

Նկար 1



Աղյուսակ 2

2002թ. նոյեմբերի 3-ի խորհրդարանական ընտրությունները Թուրքիայում¹

Բնակչություն	67.803.927
Վիլայեթներ	81
Ընտրատարածք	85
Ընտրողների հարաբերակցությունը բնակչության համեմատ	61.07%
Ընտրաշեմը	10%
Կին պատգամավորներ (թիվը-հարաբերակցությունը)	24 - 4.36%
Տղամարդ պատգամավորներ (թիվը-հարաբերակցությունը)	526 - 95.64%
Նոր պատգամավորներ (թիվը-հարաբերակցությունը)	490 - 89.09%
Հին պատգամավորներ (թիվը-հարաբերակցությունը)	60 - 10.91%

Ընդդիմության երկու հիմնական կուսակցությունները նույնպես գրանցեցին վատ ցուցանիշներ. իսլամիստական Երջանկություն կուսակցությունը (ԵԿ) կորցրեց 12,9% քվե, կենտրոնամետ Ճշմարիտ ուղի կուսակցությունը (ՃՈՒԿ) «անկում ապրեց» 2,5%-ով (*տե՛ս աղյուսակ 3*):

Պետք է նշել, որ թուրք ընտրողների նախապատվությունները բավական փոփոխական են: Բազմակուսակցական համակարգի ավելի քան կեսդարյա պատմության ընթացքում յուրաքանչյուր ընտրության ժամանակ գրանցվում է մոտ 23%-ոց շարժ: Ընտրությունների արդյունքներն ուսումնասիրելիս պետք է նաև նկատի ունենալ 1980-ական թթ.

¹ Միիրթում ընտրությունները թարմացվել են 2003թ. մարտի 9-ին, որոնց շնորհիվ խորհրդարան մտավ ԱԶԿ նախագահ Ռեջեփ Թայիփ Էրդողանը: 2003թ. մարտի 9-ի ընտրություններին մասնակցեցին ԱԶԿ-ն, ՀԺԿ-ն, Աշխատավորական կուսակցությունն ու Թուրքիայի կոմունիստական կուսակցությունը: Այս աղյուսակի թվերն ընդգրկում են նաև Միիրթում տեղի ունեցած ընտրության արդյունքները: http://www.belgenet.com/ayrinti.php?yil_id=14&il_id=0

հետո թուրքական կուսակցական համակարգում տիրող իրավիճակը: 1980-ական թթ. նկատվող ընտրողների նախապատվությունների բարձր փոփոխականությունն ավելի շատ պայմանավորված էր կուսակցությունների փակմամբ ու դրանց միավորումներով: Ինչևէ, վերջին երեք ընտրություններին՝ 1995թ., 1999թ., 2005թ., մենք տեսնում ենք, որ ընտրազանգվածը շարունակում է փոխել իր նախապատվությունները:

Ըստ *աղյուսակ 3-ի*, ընտրազանգվածի գրեթե կեսը փոխել է նախընտրած կուսակցությունը 1999-2002թթ. ընկած ժամանակահատվածում: Եթե մենք խմբավորենք կուսակցական համակարգը գաղափարական խմբերում՝ ծայրահեղ ձախ, կենտրոնամետ ձախ, կենտրոնամետ աջ, ծայրահեղ աջ՝ իսլամամետ ու ազգայնական, ապա կտեսնենք, որ ընտրողների մոտ 20%-ն այդ երեք տարիների ընթացքում փոխել է խումբը: Բացի ՀՄԿ-ից ու ԴԵՀԱՓ-ից (Ժողովրդավարական ժողովրդական շարժում՝ քրդական կուսակցություն), որը ժառանգել է իր նախորդի՝ ՀԱԴԵՓ-ի քուրդ ընտրազանգվածը, չկա այլ կուսակցություն, որը պահպանած լիներ 1999թ. քվեների տոկոսային մակարդակը: ԱԶԿ-ն ու Երիտասարդական կուսակցությունը (ԵրիտԿ) նոր հիմնված կուսակցություններ էին, որոնք երկուսն էլ ստացան նշանակալի աջակցություն: 2002թ. նոյեմբերի ընտրություններին ԵրիտԿ-ն դեռևս անձանոթ էր ու չուներ ընտրական ավանդույթ, իսկ ԱԶԿ-ն հանդես էր գալիս որպես Բարօրություն (ԲԿ) և Առաքինություն կուսակցությունների (ԱԿ) ժառանգորդ՝ այդ առումով մրցակից հանդիսանալով ԵԿ-ին: Կարճ ասած, հարաճուն փոփոխականությունը կարծես ձեռնտու էր նոր կենտրոնամետ աջ կուսակցություններին:

2002թ. իսլամամետ և ազգայնական կուսակցություններն ընդհանուր առմամբ հասան իրենց ընտրազանգվածի աջակցության զագաթնակետին՝ հավաքելով մոտ 53%, ինչն ամենից բարձր ցուցանիշն է թուրքական քաղաքականության պատմության մեջ: Որպես այդպիսին այս խումբը մոտ 3,3 անգամ մեծ է, քան կենտրոնամետ աջ կուսակցությունները և մոտ 2,5 անգամ մեծ է, քան կենտրոնամետ ձախ կուսակցությունները: Սակայն հարցն այն է, թե արդյոք ընտրազանգվածի այս աջակցությունը կլինի կայուն: Եթե նախկին տրամաբանությունը շարունակվի, ապա հաջորդ ընտրությունները ոչ միայն կարձանագրեն ԱԶԿ ընտրազանգվածի կորուստ, այլև կստեղծեն մեկ այլ, նոր կենտրոնամետ աջ հաղթող:

1980-ական թթ. հետո ականատես ենք դառնում նաև թուրքական կուսակցական համակարգի մասնատվածությանը: Չնայած սահմանափակող 10%-ոց ընտրաշեմին, մինչև 2002թ. ընտրությունները բազմաթիվ կուսակցությունների էր հաջողվում վայելել ընտրողների աջակցությունն ու մուտք գործել խորհրդարան: Սակայն այս ձեռքբերումից հետո կուսակցությունները ավելի փոքր կուսակցությունների ու անկախների էին մասնատվում արդեն խորհրդարանում:

1999-2002թթ. խորհրդարանական ընտրությունների արդյունքներն ու կուսակցական համակարգի ընդհանուր բնութագրիչները

կուսակցություն	քվեների մասնաբաժինը (%)		ավելի կամ պակաս (%)	աթոռները խորհրդարանում	
	1999թ.	2002թ.		1999թ.	2002թ.
Ժողովրդավարական ձախ կուսակցություն (<i>Demokratik Sol Parti-DSP</i>)	22.19%	1.22%	-20.97%	136	0
Ազգայնական շարժում կուսակցություն (<i>Milliyetçi Hareket Partisi-MHP</i>)	17.98%	8.34%	-9.64%	129	0
Առաքինություն կուսակցություն (<i>Fazilet Partisi-FP</i>)*	15.41%	2.48%	-12.93%	111	0
Մայր հայրենիք կուսակցություն (<i>Anavatan Partisi-ANAP</i>)	13.22%	5.13%	-8.09%	86	0
Ճշմարիտ ուղի կուսակցություն (<i>Doğru Yol Partisi-DYP</i>)	12.01%	9.55%	-2.46%	85	0
Հանրապետական ժողովրդական կուսակցություն (<i>Cumhuriyet Halk Partisi-CHP</i>)	8.71%	19.40%	+10.69%	0	178
Ժողովրդի ժողովրդավարական կուսակցություն (<i>Halkın Demokrasi Partisi-HADEP</i>)**	4.75%	6.23%	+1.48%	0	0
Մեծ միասնություն կուսակցություն (<i>Büyük Birlik Partisi-BBP</i>)	1.46%	1.02%	-0.44%	0	0
Արդարություն և զարգացում կուսակցություն (<i>Adalet ve Kalkınma Partisi-AKP</i>)	0%	34.28%	+34.28%	0	363
Երիտասարդական կուսակցություն (<i>Genç Parti-GP</i>)	0%	7.25%	+7.25%	0	0
Անկախներ***	0.87%	0.99%	+0.12%	3	9
Ընդամենը՝	96.60%	95.89%		550	550
Այլ կուսակցություններ	3.40%	4.11%	+0.71%		
Փոփոխականությունը	20.15%	50.91%	****		
Խորհրդարանում չներկայացվածների %-ը	18.32%	45.33%			
Ծայրահեղ ձախ (ծձ)	6.02%	7.27%			
Կենտրոնամետ ձախ (կձ)	31.35%	21.77%			
Կենտրոնամետ աջ (կա)	26.77%	16.13%			
Իսլամամետ ու ազգայնական (իա)	34.85%	53.37%			
Գաղափարական փոփոխականությունը	12.70%	20.00%			
* 1983թ. հուլիսի 19-ից մինչև 1998թ. հունվարի 16-ը այն կոչվում էր Բարօրություն կուսակցություն (<i>Refah Partisi-RP</i>), որը փակումից հետո վերանվանվեց Առաքինություն կուսակցություն (<i>Fazilet Partisi-FP</i>)՝ 1997թ. դեկտեմբերի 17-2001թ. հունիսի 22, իսկ ապա փոխեց անվանումը՝ դառնալով Երջանկություն կուսակցություն (<i>Saadet Partisi-SP</i>): [http://www.millisimge.de/postakutusu/erbakan_mi_serbakan_mi.htm]					
** 2002թ. այն փոխեց իր անվանումը՝ Ժողովրդավարական ժողովրդական կուսակցություն (<i>Demokratik Halk Partisi-DEHAP</i>):					
*** 1950թ. 9, 1954թ.՝ 10, իսկ 1969թ.՝ 13 անկախներ տեղ ստացան խորհրդարանում:					
**** Ամենաբարձր (գաղափարական) փոփոխականությունը, որը երբևէ եղել է թուրքական կուսակցական համակարգում:					

Մասնատվածություն կա նաև ընտրազանգվածում: Բավականին թվով կուսակցություններ են կարողանում հավաքել 4-14% ձայն: 1987թ. այդ մակարդակի էին ԺԶԿ-ն ու ԲԿ-ն, 1991թ. ԺԶԿ-ն հասավ 10%-ի, իսկ ԲԿ-ԱՇԿ կոալիցիան ստացավ մոտ 17%: 1995թ.

այդ մակարդակում էին ՀԺԿ-ն, ԺԶԿ-ն, ՀԱԴԵՓ-ն ու ԱՇԿ-ն: Ի վերջո, 1999թ. ՄՀԿ-ն, ՀԺԿ-ն, ՃՈւԿ-ը, ՀԱԴԵՓ-ն ու ԱԿ-ը հայտնվեցին 4-14% մակարդակում, իսկ ԱՇԿ-ն ու ԺԶԿ-ն ստացան ավելի քիչ՝ համապատասխանաբար 18% ու 22% (*տե՛ս աղյուսակ 3*):

Նույն մասնատվածության տրամաբանությանը հետևում ենք նաև տեղական ինքնակառավարման մարմինների ընտրությունների ժամանակ (*տե՛ս հավելվածներ 3, 5*):

Ինչևէ, վերադառնալով 2002թ. ընտրություններին՝ տեսնում ենք, որ միայն երկու կուսակցության է հաջողվում հաղթահարել 10%-ոց ընտրաշեմը, 5 կուսակցություն (ՄՀԿ, ՃՈւԿ, ԱՇԿ, ԵրիտԿ, ԴԵՀԱՓ) մնում են 4-10%-ի արանքում, իսկ ԺԶԿ-ն ու ԵԿ-ն հավաքում են մոտ 2-ական %: Այլ կերպ ասած՝ թուրք ընտրազանգվածը մնում է շատ փոփոխական և բավական մասնատված:

Թեև թուրք մի շարք փորձագետներ կարծիք են հայտնում, թե ընտրազանգվածը կարող է միավորել մասնատված համակարգը մեկ կամ երկու հիմնական կուսակցություններում, սակայն իրականում այդ կարծիքն ավելի շատ առնչվում է տեսական ոլորտին: Հաշվի չեն առնվում հասարակության սոցիալական, տնտեսական, ազգային, դավանաբանական, ինչպես նաև աշխարհագրական տարբերությունները, որոնք մեծ ազդեցություն ունեն ընտրությունների արդյունքների վրա:

Այսպես, 1950-1999թթ. ընտրությունների ուսումնասիրությունը թույլ է տալիս Թուրքիայի ընտրազանգվածը ըստ աշխարհագրական սկզբունքի բաժանել հետևյալ շրջանների.

- արևելյան և հարավարևելյան շրջաններ,
- մերձափնյա շրջաններ՝ Սև ծովի արևելյան ափերից մինչև Միջերկրական ծովի արևելյան ափերը, ներառյալ Թրակիան ու Էգեյան ավազանը,
- մնացյալ Թուրքիան¹:

Աղյուսակ 4

2002թ. խորհրդարանական ընտրությունների արդյունքները Կարսում²

կուսակցություն	քվե (%)	քվե (քանակ)	պատգամավորների թիվը
ԴԵՀԱՓ	19,58%	23 659	-
ԱԶԿ	17,24%	20 831	2
ՀԺԿ	16,74%	20 227	1
ԱՇԿ	11,80%	14 257	-
Անկախ	11,39%	13 767	-
ՃՈւԿ	10,65%	12 875	-

Սոցիալ-տնտեսական բնութագրիչներով, ինչպես նաև քաղաքական նախապատ-

¹ <http://www.milliyet.com.tr/ozel/siyaset/secim2004/default.asp?ID=17>

² http://www.belgenet.com/ayrinti.php?yil_id=14&il_id=936

Ընտրությունների արդյունքներից երևում է, որ չնայած ԴԵՀԱՓ-ը հավաքել է ավելի շատ քվեներ, սակայն չի ստացել և ոչ մի պատգամավորական տեղ, քանի որ երկրի մասշտաբով չի կարողացել հաղթահարել 10%-ոց ընտրաշեմն ու չի անցել խորհրդարան:

վություններով այս երեք տարածաշրջանները ցուցաբերում են շարունակական մոտեցում: Օրինակ, արևելյան ու հարավարևելյան շրջանները սոցիալ-տնտեսական և մշակութային առումներով ամենից քիչ զարգացածն են, իսկ քաղաքական նախապատվության վրա ազդում է ազգային գործոնը: Այդտեղ ավանդաբար ուժեղ են քրդական ծագմամբ կուսակցությունները՝ ԴԵՓ/ՀԱԴԵՓ (1990-ական թթ.) և ԴԵՀԱՓ (2002թ.) (տե՛ս աղյուսակներ 4, 5):

Աղյուսակ 5

2002թ. խորհրդարանական ընտրությունների արդյունքները Դիարբեքիում¹

կուսակցություն	քվե (%)	քվե (քանակ)	պատգամավորների թիվը
ԴԵՀԱՓ	56,12%	236 689	-
ԱԶԿ	15,96%	67 289	8
ՀԺԿ	5,92%	24 963	2

Թուրքիայի մասշտաբով ծովափնյա շրջանները սոցիալ-տնտեսական առումով ամենից զարգացածն են: Նրանց քաղաքական նախապատվությունը հիմնականում կենտրոնամետ է:

Փոքրասիական սարահարթային շրջանները սոցիալ-տնտեսական զարգացածությամբ միջին դիրք են գրավում վերոհիշյալ երկու տարածաշրջանների համեմատ: Նրանք ներկայացնում են թուրքական ազգայնական ու իսլամամետ ընտրազանգվածը (տե՛ս հավելվածներ 1, 2):

Թուրքական ընտրական համակարգում մեծ խնդիր է 10%-ոց արգելքը, որի արդյունքում 1987թ. ի վեր ընտրազանգվածի 14-19%-ը մշտապես հնարավորություն չի ունենում ներկայացված լինել խորհրդարանում: 1987թ. ընտրություններում այդ թիվը կազմում էր 19,8%, երբ խորհրդարանից դուրս մնացին ԺԶԿ-ն, ԱՇԿ-ն և ԲԿ-ն: 1991թ. ԱՇԿ-ԲԿ կոալիցիան այդ թիվը հասցրեց նվազագույնի (տե՛ս հավելված 6):

Ինչևէ, 1995թ. քրդական հարցի նկատմամբ տրամազծորեն հակառակ տեսակետներ ունեցող թուրքական ազգայնական ԱՇԿ-ն ու էթնիկ քրդական ՀԱԴԵՓ-ը դուրս մնացին խորհրդարանից, իսկ խորհրդարանում չներկայացված ընտրազանգվածի տոկոսը կազմեց 14,4: 1999թ. ընտրություններին ԱՇԿ-ն մտավ խորհրդարան, սակայն դուրս մնաց ՀԺԿ-ն, իսկ խորհրդարանում չներկայացված մնաց ընտրողների քվեների 19%-ը²:

Այդ թիվը գազաթնակետին հասավ 2002թ. ընտրություններին՝ 45%: Որպես հիմնական պատճառ նշվում է այն փաստը, որ ընտրություններից առաջ չկազմավորվեց ոչ մի մեծ նախընտրական կոալիցիա: Սակայն ուշագրավ է այն, որ չնայած ԱԶԿ-ն ստացավ այնքան պատգամավորական աթոռ, որ կարող է Սահմանադրության մեջ փոփոխու-

¹ http://www.belgenet.com/ayrinti.php?yil_id=14&il_id=92

² <http://www.belgenet.com>

թյուններ մտցնել, սակայն, այդուհանդերձ, այդ առավելությունը հավասար չէ երկրի մասշտաբով իր ստացած քվեների տոկոսային հարաբերակցությանը: Այսինքն՝ ԱԶԿ-ի ընդունած որոշումները իրականում արտացոլում են ոչ թե Թուրքիայի ընտրազանգվածի մեծամասնության, այլ՝ փոքրամասնության շահերը:

Խորհրդարանից դուրս մնացած կուսակցություններից է քրդական ԴԵՀԱՓ-ը, որը միշտ տուժել է 10%-ոց ընտրաշեմի պատճառով: 2002թ. այն ՄՀԿ-ից, Եկ-ից, ԺԶԿ-ից ու ՄՄԿ-ից ավելի քվե հավաքեց, դարձավ երկրի՝ վարկանիշով վեցերորդ կուսակցությունը, սակայն կրկին չկարողացավ մուտք գործել խորհրդարան: 10%-ոց արգելքը ոչ մի կերպ չի իջեցվում 5%-ի նաև քրդերին խորհրդարան ներս չթողնելու համար: Հետևաբար, քանի որ քրդական կուսակցությունները չեն կարողանում մուտք գործել Թուրքիայի Ազգային մեծ ժողով (ԹԱՄԺ), ապա նրանց քվեներից օգտվում են տվյալ ընտրատարածքից խորհրդարան անցած կուսակցությունները: Այսպես, ՀԱԴԵՓ-ի քվեներից 1995թ. և 1999թ. օգտվեց ԲԿ/ԱԿ իսլամիստական կուսակցությունը, իսկ 2002թ.՝ ԱԶԿ-ն (*տե՛ս աղյուսակներ 4, 5*):

Ընտրությունների արդյունքներից երևում է, որ չնայած ԴԵՀԱՓ-ը հավաքել է ավելի շատ քվեներ, սակայն չունի և ոչ մի պատգամավոր, քանի որ երկրի մասշտաբով չի կարողացել հաղթահարել 10%-ոց ընտրաշեմը և չի անցել խորհրդարան: Մեխանիզմն այնպիսին է, որ ԴԵՀԱՓ-ի փոխարեն ընտրատարածքից պատգամավորական տեղ ստանալու իրավունք է ձեռք բերում այն կուսակցությունը, որն անցել է խորհրդարան և ընտրատարածքում հավաքել է համեմատաբար առավել թվով ձայներ:

Թուրք ընտրազանգվածի քաղաքական նախապատվությունն ուսումնասիրելիս տեսնում ենք հստակ կապ ընտրություններ անցկացնող կուսակցության և կամ կոալիցիայի օրոք տնտեսական իրավիճակի ու նրանց ստացած քվեների միջև: Օրինակ, 2001թ. խոր տնտեսական ճգնաժամից հետո ԺԶԿ-ԱՇԿ-ՄՀԿ կոալիցիան, որը 1999թ. հավաքել էր շուրջ 54% քվե, 2002թ. նոյեմբերին հավաքեց ընդհանուր առմամբ միայն մոտ 15%:

Թուրքիայում ընտրողների քաղաքական նախապատվության կարևորագույն չափանիշներից է կրոնադավանաբանական պատկանելությունը: Հասարակության մեջ կրոնական տարրի ակտիվացման դեպքում մենք նկատում ենք իսլամիստական կուսակցություններին ցուցաբերվող աջակցության աճ: Հակառակ պարագայում աճ է ապրում ձախ կուսակցությունների վարկանիշը: Այդ համատեքստում հասարակության մեջ ազգայնական տրամադրությունների վերելքը նպաստում է աջ կուսակցությունների հաղթանակին:

Բացի վերոհիշյալից, հարկ է առանձնացնել նաև երկու կարևոր փոքրամասնությունների՝ ալևիների ու քրդերին: Ըստ տարբեր հաշվարկների, այսօր քրդերի թիվը Թուրքիայում հասնում է միջինը 10-12 միլիոնի, իսկ ալևիներինը՝ մոտ 5,5 մլն¹: Ինչպես

¹ <http://countrystudies.us/turkey/23.htm>

հայտնի է, Թուրքիայի քաղաքական դաշտում քրդերը ներկայացված են ՀԱԴԵՓ/ԴԵՀԱՓ կուսակցությունով: Համարվում է, որ ալևիներին ամենից մոտ կանգնած կուսակցությունը ՀԺԿ-ն է: Մյուս կողմից՝ սուննի իսլամիստական ԱԶԿ-ն ու ԵԿ-ն, ըստ ամենայնի, ալևիների համար հանդես են գալիս հակառակ դիրքերից:

ԺԶԿ (Ժողովրդավարական ձախ կուսակցություն) ***DSP (Demokratik Sol Partisi)***

Հիմնվել է 1985թ. Ռահշան Էջևիթի կողմից, որը Բյուլենթ Էջևիթի կինն է: Բ.Էջևիթին այդ ժամանակ արգելված էր մասնակցել քաղաքական կյանքին¹): Կենտրոնամետ ձախ այս կուսակցությունը ղեկավարվել է Բ.Էջևիթի կողմից 1987թ. ի վեր:

1987թ. խորհրդարանական ընտրություններում հավաքել է 8,54% քվե և չի կարողացել մտնել խորհրդարան: 1991թ. խորհրդարանական ընտրություններում 10,54% ձայնով մտել է խորհրդարան ու ստացել 7 պատգամավորական աթոռ, որոնք, սակայն, հետագայում հասել են երեքի՝ կուսակցությունից պատգամավորների դուրս գալու արդյունքում:

1995թ. խորհրդարանական ընտրություններում հավաքելով 14,64% ձայն՝ խորհրդարանում ստացել է 76 աթոռ:

ԺԶԿ-ն կողմ է եղել Եվրամիության (ԵՄ) անդամակցությանը, չնայած ժամանակին քննադատում էր ԵՄ հետ կնքված Մաքսային համաձայնագիրը²:

1999թ. ապրիլին տեղի ունեցած խորհրդարանական ընտրությունների ժամանակ սեփական քարոզարշավում ԺԶԿ-ն մեծապես օգտագործեց այն փաստը, որ Թուրքիայում ահաբեկչական կազմակերպություն համարվող Քրդստանի բանվորական կուսակցության առաջնորդ Աբդուլահ Օջալանը ձերբակալվել է Բ.Էջևիթի վարչապետության օրոք: Այդ հանգամանքը էապես նպաստեց կուսակցության հաղթանակին. այն ստացավ 22,19% քվե և 550 տեղանոց Թուրքիայի Ազգային մեծ ժողովում գրավեց 136 աթոռ: Բ.Էջևիթը հինգերորդ անգամ դարձավ վարչապետ:

Սակայն 2001թ. տնտեսական ճգնաժամը խիստ թուլացրեց կռալիցիոն կուսակցության ավագ գործընկեր ԺԶԿ-ի դիրքերը, որին հավելվեց նաև Բ.Էջևիթի առողջական վատ վիճակը: 2002թ. ամռանը շատ ականավոր կուսակիցներ լքեցին կուսակցության շարքերը (այդ թվում արտաքին գործերի նախկին նախարար Իսմայիլ Ջեմը, որը հիմնեց նոր կուսակցություն՝ Նոր Թուրքիա, Քեմալ Դերվիշը, որն անցավ ԺՀԿ և այլն), իսկ վարչապետը հասարակական ճնշման ներքո ստիպված եղավ հայտարարել վաղաժամ ընտրությունների մասին:

2002թ. նոյեմբերի ընտրություններում ԺԶԿ-ն ստացավ միայն 1,21% ձայն:

Այժմ ԺԶԿ նախագահն է նախկին պետնախարար Ջեքի Սեզերը³:

¹ 1980թ. սեպտեմբերի 12-ի ռազմական հեղաշրջման արդյունքում Թուրքիայում փակվեցին բոլոր կուսակցությունները, իսկ քաղաքական գործիչներին միառժամանակ արգելվեց զբաղվել քաղաքականությամբ:

² <http://www.dsp.org.tr/tarihce/>

³ <http://www.dsp.org.tr/baskanlarimiz/>

ԱՇԿ (Ազգայնական շարժում կուսակցություն) *MHP (Milliyetçi Hareket Partisi)*

Ծայրահեղ ազգայնական կուսակցություն, որի անդամներն ու գաղափարակիցները հայտնի են նաև «Գորշ գայլեր» անվամբ: Հիմնվել է 1969թ. Ալփարսլան Թյուրքեշի կողմից: Հանդես է գալիս որպես կիսաառաջնականացված կառույց: 1980թ. ռազմական հեղաշրջումից հետո ԱՇԿ-ն փակվեց, իսկ Թյուրքեշն ու այլոք կանգնեցին դատարանի առջև՝ 1980-ական թթ. սկզբին քաղաքական-հասարակական մի քանի գործիչների սպանության համար:

1995թ. Թյուրքեշին թույլատրվում է վերականգնել ԱՇԿ-ն ու մասնակցել ընտրություններին, որոնց արդյունքում կուսակցությունը ստացավ ձայների 8,5%-ը: 1997թ. ապրիլի 4-ին մահացած Թյուրքեշի թաղմանը մասնակցել են 300 000 հոգի՝ ներառյալ գրեթե բոլոր կուսակցությունների ղեկավարները:

Թյուրքեշին հաջորդեց Դելեթ Բահչեղին: 1999թ. ապրիլին տեղի ունեցած խորհրդարանական ընտրությունների արդյունքում ԱՇԿ-ն դարձավ երկրորդ կուսակցությունը, ստացավ 129 պատգամավորական աթոռ ու ԺԶԿ-ի և ՃՈւԿ-ի հետ կազմեց կոալիցիոն կուսակցություն¹:

2002թ. նոյեմբերի խորհրդարանական ընտրություններում ԱՇԿ-ն ստացավ միայն ձայների 8,34%-ը:

Չնայած խորհրդարանական ընտրություններում կրած պարտությանը, ԱՇԿ-ն մնաց երկրի առաջատար կուսակցություններից մեկը: 2004թ. մարտի 28-ին կայացած տեղական ինքնակառավարման մարմինների ընտրություններում ԱՇԿ-ն գրավեց երրորդ տեղը՝ զիջելով միայն ԱԶԿ-ին ու ՀԺԿ-ին²:

¹ <http://www.allaboutturkey.com/parti.htm>

² *Сафрастьян Р.*, Возвращение «серых волков»: Консервативная партия в политической жизни Турции (1983-1985), Մերձավոր և Միջին Արևելքի երկրներ և ժողովուրդներ, XXIII, Երևան, 2004, էջ 254: Տե՛ս նաև *Հավելված 4*:

ԱԶԿ (Արդարություն և զարգացում կուսակցություն) *AKP (Adalet ve Kalkınma Partisi)*

Հիմնվել է 2001թ. որպես իսլամիստական կուսակցություն, Ռեջեփ Թայիփ Էրդողանի և Աբդուլահ Գյուլի կողմից, որոնք երկուսն էլ եղել են Բարօրություն և Առաքինություն իսլամիստական կուսակցությունների անդամներ:

Ինչպես հայտնի է, ԱԶԿ-ն ու ԵԿ-ն հանդիսանում են Բարօրություն ու Առաքինություն կուսակցությունների ժառանգորդները: Դեռ 2000թ. Թուրքիայում ակտիվորեն քննարկվում էր ԱԿ-ում «ավանդականների» (առաջնորդն էր Ն.Էրբաքանը, որի քաղաքական գործունեությամբ զբաղվելու արգելքի հետևանքով առաջնորդի դերը ստանձնել էր Ռ.Քուրթանը: Երկուսն էլ հետո իրար փոխարինեցին՝ ԵԿ նախագահի պաշտոնում) ու «նորարարների» (առաջնորդն էր Ռ.Թ. Էրդողանը՝ այժմ ԱԶԿ նախագահ, որի քաղաքական գործունեությամբ զբաղվելու արգելքի հետևանքով որոշ ժամանակ առաջնորդի դերը ստանձնել էր Ա.Գյուլը) միջև իշխանության համար պայքարը կուսակցության ներսում¹: Ի վերջո, «նորարարներն» առանձնացան ԵԿ-ից ու հիմնեցին Արդարություն և զարգացում կուսակցությունը:

Կրելով իսլամիստական ազդեցություն՝ ԱԶԿ-ն, սակայն, իրեն պատկերացնում է եվրոպական քաղաքականության քրիստոնեա-դեմոկրատական դաշտում: Ամեն դեպքում, ԱԶԿ-ն մի շարք տարբերություններ ունի ԵԿ-ից, օրինակ՝ Թուրքիայի ԵՄ անդամակցության հարցում²: 2002թ. նոյեմբերի ընտրություններում ԱԶԿ-ն ստացավ 34% ձայն՝ վերջին քսան տարվա ընթացքում Թուրքիայի պատմության մեջ առաջին անգամ մի կուսակցություն կարողացավ առանց կոալիցիայի կառավարություն կազմել: ԱԶԿ-ն հաղթանակն ամրապնդեց 2004թ. տեղական ինքնակառավարման մարմինների ընտրություններում, որոնց արդյունքում ստացավ 41,9% ձայն (*տե՛ս հավելված 4*):

Կուսակցությունն ինքը, սակայն, նման է կոալիցիայի: Ստեղծված լինելով շատ կարճ ժամանակում՝ նախընտրական փուլում այն ընդգրկել է անդամներ, որոնք եկել են տարբեր կուսակցություններից՝ ԵԿ, ԱՇԿ, ՄՀԿ և այլն: Սա չէր կարող մնալ անհետևանք: 2005թ. արդեն սկսվում է ԱԶԿ այդ անդամների հեռացումը կուսակցության շարքերից: Առաջին քայլն արեց նախկինում ՄՀԿ անդամ, ԱԶԿ կառավարությունում մշակույթի և զբոսաշրջության նախարար Էրբան Մումջուն, որի հրաժարականը շատ անսպասելի էր ու վրդովեց հասարակությանը³: Մումջունի հեռացումից հետո սկսեցին խոսել նաև նախկինում ԱՇԿ-ին ու ԵԿ-ին անդամակցող ԱԶԿ մի շարք անդամների՝ կուսակցությունից դուրս գալու հավանականության մասին, որն էլ որոշ ժամանակ անց իրականություն դարձավ:

¹ http://www.belgenet.com/parti/fp1k_hy.html

² <http://www.zaman.com.tr/?hn=122841&bl=politika>

³ <http://www.zaman.com.tr/?hn=144731&bl=politika>

ԵԿ (Երջանկություն կուսակցություն) *SP (Saadet Partisi)*

1997թ. հունիսի 18-ին Բարօրություն կուսակցության (*RP-Refah Partisi*) առաջնորդ Ն.Էրբաքանի կոալիցիոն կառավարությունը զինվորականության ճնշումների ներքո հրաժարական տվեց, 1998թ. հունվարի 16-ի¹ Սահմանադրական դատարանի որոշմամբ ԲԿ գործունեությունը կասեցվեց, իսկ Էրբաքանին արգելվեց զբաղվել քաղաքական գործունեությամբ: ԲԿ առաջնորդներն անմիջապես ստեղծեցին Առաքինություն կուսակցությունը (ԱԿ, գոյատևել է 1997թ. դեկտեմբերի 17-ից մինչև 2001թ. հունիսի 22-ը), որին անդամագրվեցին ԲԿ բոլոր անդամները:

Ռեջայի Քութանի ղեկավարած ԱԿ-ն մասնակցեց 1999թ. ապրիլին տեղի ունեցած թե՛ խորհրդարանական, թե՛ տեղական ինքնակառավարման մարմինների ընտրություններին, սակայն կորցրեց ԲԿ առաջատար դիրքը և 21,3% ձայնով ԹԱՄԺ-ում ստացավ 111 աթոռ, դարձավ ԺՁԿ-ից ու ԱՇԿ-ից հետո երրորդ կուսակցությունը²:

2001թ. փակված Առաքինություն կուսակցության փոխարեն հիմնվեց ԵԿ-ն:

2002թ. խորհրդարանական ընտրություններում ԵԿ-ն հավաքեց ընդամենը 2,49% ձայն: 2003թ. Էրբաքանի՝ քաղաքական գործունեությամբ զբաղվելու արգելքը հանվեց, և նա ընտրվեց կուսակցության նախագահ: 2004թ. սակայն նա ստիպված եղավ դուրս գալ կուսակցությունից, և կուսակցության նախագահ ընտրվեց Քութանը³:

2004թ. մարտի 28-ի տեղական ինքնակառավարման մարմինների ընտրություններում կուսակցությունը հավաքեց ընդամենը 4% քվե:

¹ http://www.millisimge.de/postakutusu/erbakan_mi_serbakan_mi.htm

² <http://www.allaboutturkey.com/parti.htm>

³ <http://www.saadetpartisi.org.tr/default2.asp?x=569&y0>

ՄՀԿ (Մայր հայրենիք կուսակցություն) *ANAP (Anavatan Partisi)*

Հիմնվել է 1983թ. մայիսի 20-ին Թուրգույթ Օզալի կողմից, որը երկար ժամանակ նաև Թուրքիայի նախագահն էր: Կենտրոնամետ աջ կուսակցություն է¹: 1983-1991թթ. ներկայացված է եղել Թուրքիայի կառավարության կազմում: 1995թ. ՃՈւԿ-ի հետ կազմել է կարճատև կոալիցիա (կոալիցիայի անվանումն էր *ANAYOL ' ANAvatan li dogruYOL* կուսակցությունների անուններից), ապա վերադարձել է իշխանության 1997թ. հուլիսից մինչև 1998թ. նոյեմբերը: Կուսակցության ղեկավար Մեսութ Յըլմազը երկրի վարչապետն էր:

Կուսակցության օրոք Թուրքիայի տնտեսությունը 1980-ական թթ. ծանոթացավ շուկայական համակարգին, 1987թ. ԵՄ անդամակցության հայտ ներկայացրեց:

ՄՀԿ-ն ծանր պարտություն կրեց 1999թ. ապրիլին տեղի ունեցած խորհրդարանական ընտրություններում՝ ստանալով 14% ձայն, դառնալով Թուրքիայի չորրորդ կուսակցությունը և գրավելով 86 պատգամավորական աթոռ: Սակայն կուսակցությունն ավելի մեծ կորուստներ կրեց 2002թ. խորհրդարանական ընտրությունների արդյունքում, երբ ՄՀԿ-ն հավաքեց ընդամենը 5,12% քվե ու չմտավ խորհրդարան:

2004թ. տեղական ինքնակառավարման մարմինների ընտրություններում կուսակցությունը հավաքեց ընդամենը 2,5% քվե:

Ներկայում կրկին քննարկվում է ՄՀԿ և ՃՈւԿ՝ այլ անվամբ միավորման գաղափարը: Թեև այդ կուսակցությունները միշտ էլ միմյանց համարել են մրցակիցներ, սակայն հիմնումից ի վեր նրանց թե՛ քաղաքական, թե՛ տնտեսական ծրագրերը գրեթե նույնն են եղել: 2005թ. փետրվարին ՃՈւԿ նախագահ Ադարն ու ՄՀԿ նախկին նախագահ տիկին Նեսրին Նասը հանդիպում են ունեցել վերոհիշյալ հարցը քննարկելու նպատակով²: Ակնկալվում է, որ հավանական միավորմանը նոր թափ հաղորդի ԱԶԿ շարքերը լքած մշակույթի ու զբոսաշրջության նախկին նախարար Էրքան Մոււջուն, որը նախկինում եղել էր ՄՀԿ անդամ: Մոււջունի կուսակցություն վերադարձով ՄՀԿ-ն խորհրդարանում պատգամավորների թվաքանակով դարձավ երրորդը, իսկ ս.թ. ապրիլի 2-ին կուսակցության նոր նախագահ ընտրվեց նույն ինքը՝ Էրքան Մոււջուն³:

Ի դեպ, մոտավորապես նույն այդ ժամանակ ՄՀԿ նախկին նախագահ Մեսութ Յըլմազի գործը քննվում էր Թուրքիայի գերագույն դատարանում⁴: Նախկին վարչապետը մեղադրվում էր «*Türkbank*»-ի մրցույթի հետ կապված պաշտոնեական դիրքի չարաշահման մեջ⁵:

¹ <http://www.allaboutturkey.com/parti.htm>

² <http://www.zaman.com.tr/?hn=110112&bl=politika>

³ <http://www.zaman.com.tr/?hn=159102&bl=politika>

⁴ <http://www.stargazete.com/index.asp?haberID=666666>

⁵ http://www.belgenet.com/dava/yucedivan_13.html

ՃՈԿ (Ճշմարիտ ուղի կուսակցություն) *DYP (Doğru Yol Partisi)*

Հիմնվել է 1983թ. Սուլեյման Դեմիրելի կողմից: Պահպանողական է, ընտրազանգվածը հիմնականում գյուղական բնակչությունն է: Չնայած այն հանգամանքին, որ ՃՈԿ թե՛ քաղաքական, թե՛ տնտեսական ծրագրերը շատ նման են ՄՀԿ ծրագրերին, այդ երկու կուսակցությունները գրեթե միշտ էլ հանդես են եկել որպես մրցակիցներ: Օրինակ, հիմնականում աջակողմյան կուսակցությունների միջև առկա անհամաձայնությունն էր պատճառը, որ Բարօրություն իսլամիստական կուսակցությունը 1995թ. հասավ իշխանության:

1991թ. խորհրդարանական ընտրությունների արդյունքում ՃՈԿ-ը ստացավ կոալիցիոն կառավարություն կազմելու իրավունք: 1993թ. Սուլեյման Դեմիրելը ընտրվեց երկրի նախագահ, ուստի կուսակցության նախագահի, ինչպես նաև երկրի վարչապետի պաշտոնում նշանակվեց Թանսու Չիլերը¹:

1999թ. ապրիլի խորհրդարանական ընտրություններում ՃՈԿ-ը դարձավ Թուրքիայի հինգերորդ կուսակցությունը 12% ձայնով²:

2002թ. խորհրդարանական ընտրություններում կուսակցությունը ստացավ ընդամենը 9,55% քվե և չկարողացավ մտնել խորհրդարան: 2002թ. նոյեմբերին խորհրդարան մուտք գործելու համար կուսակցությանը չբավարարեց միայն 0,5% ձայն, և ՃՈԿ-ը, օգտվելով երկրում առկա հակաքրդական տրամադրություններից, փորձեց ԹԱՄԺ մտնել քրդական ԴԵՀԱՓ կուսակցության հաշվին՝ պնդելով, որ վերջինս ընտրությունների ժամանակ խախտումներ է կատարել: Եթե սա ապացուցվեր, ապա ԴԵՀԱՓ-ի ստացած քվեները չեղյալ կհայտարարվեին, ինչի արդյունքում էլ ՃՈԿ-ը կհաղթահարեր 10%-ոց ընտրաշեմը և իրավունք կստանար ԱԶԿ-ի հետ կիսել խորհրդարանական աթոռները: Այդ հանգամանքը, բնականաբար, չէր կարող ձեռնտու լինել իշխող կուսակցությանը: Ի վերջո, դատարանում ՃՈԿ-ի հայրը դրական լուծում չստացավ: Այնուամենայնիվ, այսօր ՃՈԿ-ը ներկայացված է ԹԱՄԺ-ում՝ ունի 6 պատգամավոր, որոնք եղել են անկախ կամ դուրս են եկել իրենց նախկին կուսակցություններից և անդամակցել ՃՈԿ-ին:

Ընտրությունների հաջորդ օրը՝ 2002թ. նոյեմբերի 4-ին, Թանսու Չիլերը հայտարարեց կուսակցության համաժողով հրավիրելու և նախագահի պաշտոնից հրաժարվելու մասին: 2002թ. նոյեմբերի 21-ին Էյյազիզի ընտրացուցակներով ընտրված անկախ պատգամավոր Մեհմեդ Ադարը անդամակցեց ՃՈԿ-ին, որի միջոցով կուսակցությունը ներկայացվեց ԹԱՄԺ-ում: 2002թ. դեկտեմբերին Ադարն ընտրվեց ՃՈԿ նախագահ³:

2004թ. տեղական ինքնակառավարման մարմինների ընտրություններում կուսակցությունը հավաքեց 10,1% քվե՝ գրավելով 4-րդ տեղը:

¹ <http://www.allaboutturkey.com/politikaci1.htm>

² <http://www.allaboutturkey.com/parti.htm>

³ <http://www.kronoloji.gen.tr/kronoloji.php3?sayfa=12&kategori=partiler>

ՀԺԿ (Հանրապետական Ժողովրդական կուսակցություն) *CHP (Cumhuriyet Halk Partisi)*

Հիմնվել է 1923թ. Մուստաֆա Քեմալ Աթաթյուրքի կողմից, այժմ նախագահն է Դենիզ Բայքալը: 1995թ. Սոցիալ-ժողովրդավարական ժողովրդական կուսակցության (ՄԺԺԿ) հետ միավորվելուց հետո¹ համարվում է ազդեցիկ կենտրոնամետ ձախ կուսակցություն: Սակայն այդ միավորումից հետո շատ քաղաքական գործիչներ, որոնք նախկինում անդամակցում էին ՄԺԺԿ-ին, դուրս եկան կուսակցությունից՝ միանալով ԺԶԿ-ին:

1999թ. ապրիլի խորհրդարանական ընտրություններում ՀԺԿ-ն հավաքեց միայն 8,7% ձայն և առաջին անգամ պատմության մեջ չմտավ խորհրդարան: Բայքալը պարտության մեղավոր համարվեց և հրաժարական տվեց²:

2002թ. ընտրություններում նա վերընտրվեց կուսակցության նախագահ: 2002թ. նոյեմբերի 3-ի խորհրդարանական ընտրություններում կուսակցությունը ստացավ 19,39% ձայն և դարձավ խորհրդարանում երկրորդ կուսակցությունը՝ դառնալով ընդդիմություն: Այսօր ՀԺԿ-ն ԹԱՄԺ-ում ունի 162 աթոռ:

2004թ. տեղական ինքնակառավարման մարմինների ընտրություններում կուսակցությունը հավաքեց 18,2% ձայն:

2002թ. խորհրդարանական ընտրություններից հետո ՀԺԿ շարքերի մեջ տարրալուծվեց Նոր Թուրքիա կուսակցությունը³, որը հիմնվել էր 2002թ. ընտրությունների նախաշեմին և 2002թ. ընտրություններում հավաքել էր ընդամենը 1% ձայն⁴: Այդ ամենով հանդերձ մի շարք վերլուծաբաններ կարծում են, թե ՀԺ կուսակցությունը գտնվում է մասնատման եզրին⁵: Սրա հաստատումն է 2005թ. հունվարին նախագահ Դենիզ Բայքալի դեմ կուսակցության անդամ Մուստաֆա Սարըգյուլի սկզբնավորած շարժումը, որը բավական լայն աջակցություն ստացավ⁶: Սակայն 2005թ. մարտի 25-ին կուսակցության բարձրագույն կարգապահական խորհուրդը հեռացրեց Սարըգյուլին կուսակցության շարքերից⁷:

Ներկուսակցական ընդդիմությունը թանկ նստեց ՀԺԿ-ի վրա՝ վերջին երկու տարվա ընթացքում 14 պատգամավոր դուրս եկավ կուսակցությունից:

¹ <http://www.tbmm.gov.tr/ambar/partiler/partiler.htm>

² <http://www.allaboutturkey.com/parti.htm>

³ <http://www.zaman.com.tr/?hn=130573&bl=politika>

⁴ <http://www.electionworld.org/turkey.htm>

⁵ <http://www.zaman.com.tr/?hn=130149&bl=politika>

⁶ <http://www.zaman.com.tr/?hn=134423&bl=politika>

⁷ <http://www.zaman.com.tr/?hn=156757&bl=politika>

**ԴԵՀԱՓ¹ (Ժողովրդավարական ժողովրդական կուսակցություն)/
ՀԱԴԵՓ (Ժողովրդական ժողովրդավարական կուսակցություն)
DEHAP (Demokratik Halk Partisi)/HaDeP (Halk Demokratik Partisi)**

Քրդական քաղաքական կուսակցություն. հիմնվել է 1994թ. *DeP (Demokratik Partisi)* կուսակցության փոխարեն, որը փակվել էր դատարանի որոշմամբ: ՀԱԴԵՓ-ը մասնակցեց 1995թ. խորհրդարանական ընտրություններին և ստացավ 4,2% ձայն²:

Այն միակ օրինական կուսակցությունն է, որ ներկայացնում է քուրդ ժողովրդի շահերը Թուրքիայում (ի տարբերություն այդ երկրում օրենքից դուրս հայտարարված Քրդստանի բանվորական կուսակցությանը): ՀԱԴԵՓ-ը մասնակցեց 1999թ. խորհրդարանական ու տեղական ինքնակառավարման մարմինների ընտրություններին: Թեև կուսակցությունը բազմաթիվ տեղեր գրավեց, մասնավորապես, հարավարևելյան Թուրքիայի տեղական ինքնակառավարման մարմիններում՝ Ադրը, Բաթման, Բինգյոլ, Դիարբեքիր, Սիիրթ, Վան և այլն, սակայն կրկին չկարողացավ հաղթահարել 10%-ոց ընտրաշեմը՝ ԹԱՍԺ անցնելու համար: 1999թ. ընտրություններից հետո կուսակցությունն արգելվեց Թուրքիայի Սահմանադրական դատարանի կողմից և վերաբացվեց ԴԵՀԱՓ (Ժողովրդավարական ժողովրդական կուսակցություն) անվամբ:

2002թ. խորհրդարանական ընտրություններում կուսակցությունը հավաքեց 6,22% ձայն:

¹ ԴԵՀԱՓ և ՀԱԴԵՓ հապավումները ներկայացված են թուրքերենով՝ լրահոսում դրանց տարածվածության պատճառով:

² <http://www.allaboutturkey.com/parti.htm>

ԵրիտԿ (Երիտասարդական կուսակցություն) GP (*Genç Partisi*)

Հիմնվել է 2002թ. գործարար Ջեմ Ուզանի կողմից: 2002թ. Վերածնունդ կուսակցության նախագահ Հասան Ջելալը կուսակցությունը վաճառեց Ջեմ Ուզանին¹: Ուզանը հետագայում կուսակցությունը վերանվանեց Երիտասարդական²: Սրանով Ուզանը ընտրություններին մասնակցելու իրավունք ստացավ³:

Ընդամենը 3-ամսյա քաղաքական կենսագրություն ունեցող կուսակցությունը 2002թ. նոյեմբերի ընտրություններում ստացավ 7,24% ձայն:

Այս կուսակցությունը կարողացավ իր կողմը գրավել հիմնականում ԱՇԿ և ՃՈԿ ընտրագանգվածին:

Կուսակցությունը ընտրություններից հետո դիմել էր դատարան արդյունքներն անվավեր ճանաչելու խնդրանքով, սակայն մերժում ստացավ⁴:

Հետագայում հանրահավաքների ժամանակ Ռեջեփ Էրդողանի ու ԱԶԿ հասցեին վիրավորական արտահայտություններ թույլ տալու մեղադրանքով Ջեմ Ուզանի դեմ դատական գործ հարուցվեց⁵:

ԱԶԿ-ն կազմակերպված հարձակում սկսեց Ուզան ընտանիքի տնտեսական կարողությունների դեմ, բացվեցին տնտեսական հանցագործությունների հետ կապված քրեական գործեր: «Ուզան» հոլդինգի ձեռքից վերցվեց Թուրքիայում հանրահայտ «Սթար» թերթը:

2004թ. տեղական ինքնակառավարման մարմինների ընտրություններում կուսակցությունը հավաքեց ընդամենը 2,6% քվե:

¹ <http://www.radikal.com.tr/haber.php?haberno=47324>

² <http://www.radikal.com.tr/haber.php?haberno=45405>

³ <http://www.radikal.com.tr/haber.php?haberno=47536>

⁴ <http://www.radikal.com.tr/haber.php?haberno=63958>

⁵ <http://www.radikal.com.tr/haber.php?haberno=106915>

ՍԺԺԿ (Սոցիալ-ժողովրդավարական ժողովրդական կուսակցություն) *SHP (Sosyal Demokrat Halk Partisi)*

Հիմնվել է 2002թ. մայիսի 24-ին Մուրադ Քարայալչընի կողմից¹: Չպետք է շփոթել նույն հասկացումով մեկ այլ կուսակցության՝ *SHP (Sosyal Demokrat Halkci Partisi)*² հետ, որի անդամ են եղել նույն Մուրադ Քարայալչընն ու իր համախոհները: Այդ կուսակցությունը իշխանական կոալիցիայի մաս է կազմել, որի կազմում Քարայալչընը նույնիսկ եղել է արտաքին գործերի նախարար³: 1985թ. նոյեմբերի 3-ին հիմնված կուսակցությունը 1995թ. փետրվարի 19-ին միաձուլվեց ՀԺԿ-ի հետ:

Քարայալչընը իր թեկնածությունն առաջադրեց 2004թ. մարտի 28-ին տեղի ունեցած Անկարայի քաղաքապետի ընտրություններում⁴, որի ընթացքում նրան օժանդակեցին ալևիական ուժերը, մասնավորապես Ալևի բեքթաշի դաշինքի նախագահ Ալի Դոդանը⁵:

2004թ. տեղական ինքնակառավարման մարմինների ընտրություններում Սոցիալ-ժողովրդավարական կուսակցությունը կոալիցիայի մեջ մտավ ԴԵՀԱՓ-ի հետ, ինչի շնորհիվ նրանք միասին գրավեցին հինգերորդ տեղը 4,9% ձայներով (*տե՛ս հավելված 4*):

ԴԵՀԱՓ-ի հետ արդյունավետ համագործակցության համար հետագայում Մուրադ Քարայալչընին որոշ շրջանակներ առաջ էին քաշում որպես օմբուդսմենի թեկնածու⁶:

2005թ. սկզբին ի հայտ եկած ՀԺԿ խարխլման գործընթացի հետևանքով 2002թ. խորհրդարանական ընտրությունների արդյունքում պատգամավորական և ոչ մի աթոռ չստացած ՍԺԺԿ-ն ԹԱՍԺ-ում այսօր ունի 5 խորհրդարանական, որոնք կուսակցություն են եկել ՀԺԿ-ից⁷:

ԺԲԿ (Ժողովրդի բարձրացման կուսակցություն) *HYP (Halkın Yükselişi Partisi)*

2005թ. փետրվարին Ստամբուլի ընտրացուցակներով Թուրքիայի խորհրդարանի պատգամավոր ընտրված անկախ պատգամավոր Յաշար Նուրի Օզթյուրքը հիմնեց ԺԲԿ-ն: Թուրքիայում գործող կուսակցությունների թիվը հասավ 48-ի:

¹ <http://www.milliyet.com.tr/2002/05/24/son/sontur08.html>

² «*Sosyal Demokrat Halkci Partisi*»-ն հայերենում և գրեթե բոլոր այլ լեզուներում, ըստ էության, թարգմանվում է նույն կերպ, ինչ «*Sosyal Demokrat Halk Partisi*»-ին Սոցիալ-ժողովրդավարական ժողովրդական կուսակցություն:

³ http://www.shp.org.tr/basin_goster.asp?ID=106

⁴ http://www.shp.org.tr/basin_goster.asp?ID=44

⁵ http://www.shp.org.tr/basin_goster.asp?ID=60

⁶ http://www.shp.org.tr/basin_goster.asp?ID=91

⁷ http://www.shp.org.tr/basin_goster.asp?ID=124

Հավելված 1

**Թուրքիայի Ազգային մեծ ժողովում պատգամավորական տեղերի բաշխումը
ըստ կուսակցությունների (2005թ. մայիսի 25-ի դրությամբ)**

կուսակցություն	պատգամավորների թիվը
Արդարություն և զարգացում կուսակցություն (ԱԶԿ)	356
Հանրապետական ժողովրդական կուսակցություն (ՀԺԿ)	161
Մայր հայրենիք կուսակցություն (ՄՀԿ)	10
Ճշմարիտ ուղի կուսակցություն (ՃՈՒԿ)	3
Մոցիալ-ժողովրդավարական ժողովրդական կուսակցություն (ՍԺԺԿ)	5
Ժողովրդի բարձրացման կուսակցություն (ԺԲԿ)	1
Անկախ պատգամավորներ	11
Թափուր տեղ	3
Ընդամենը՝	550

Հավելված 2

1999թ. ապրիլի 18-ին Թուրքիայում կայացած խորհրդարանական ընտրությունների արդյունքները¹

ա. ընտրատարածք, բ. հաղթանակած կուսակցություն

ա.	բ.	ա.	բ.	ա.	բ.
Ադանա (<i>Adana</i>)	ԺԶԿ	Էրզրում (<i>Erzurum</i>)	ԱԿ	Մուշ (<i>Muş</i>)	ՀԱԴԵՓ
Ադրյաման (<i>Adiyaman</i>)	ԱԿ	Էսքիշեհիր (<i>Eskişehir</i>)	ԺԶԿ	Նևշեհիր (<i>Nevşehir</i>)	ԱՇԿ
Աֆիոն (<i>Afyon</i>)	ԱՇԿ	Գազիանթեփ (<i>Gaziantep</i>)	ԱՇԿ	Նիդե (<i>Niğde</i>)	ԱՇԿ
Ադրը (<i>Ağrı</i>)	ՀԱԴԵՓ	Գիրեսուն (<i>Giresun</i>)	ԺԶԿ	Օրդու (<i>Ordu</i>)	ԺԶԿ
Աքսարայ (<i>Aksaray</i>)	ԱՇԿ	Գյումուշհանե (<i>Gümüşhane</i>)	ԱՇԿ	Օսմանիե (<i>Osmaniye</i>)	ԱՇԿ
Ամասիա (<i>Amasya</i>)	ԱՇԿ	Հաքքարի (<i>Hakkari</i>)	ՀԱԴԵՓ	Ռիզե (<i>Rize</i>)	ՄՀԿ
Անկարա (<i>Ankara</i>)	ԺԶԿ	Հաթայ (<i>Hatay</i>)	ԱՇԿ	Սաքարիա (<i>Sakarya</i>)	ԱԿ
Անթալիա (<i>Antalya</i>)	ԱՇԿ	Իչել (<i>İçel</i>)	ԱՇԿ	Սամսուն (<i>Samsun</i>)	ԺԶԿ
Արդահան (<i>Ardahan</i>)	ՃՈՒԿ	Իգդիր (<i>İğdir</i>)	ՀԱԴԵՓ	Սիիրթ (<i>Siirt</i>)	ՀԱԴԵՓ
Արդվին (<i>Artvin</i>)	ՃՈՒԿ	Ըսփարթա (<i>Isparta</i>)	ԱՇԿ	Սինոփ (<i>Sinop</i>)	ԺԶԿ
Այդըն (<i>Aydın</i>)	ԺԶԿ	Ստամբուլ (<i>İstanbul</i>)	ԺԶԿ	Սիվաս (<i>Sivas</i>)	ԱԿ
Բալըքեսիր (<i>Balıkesir</i>)	ԺԶԿ	Իզմիր (<i>İzmir</i>)	ԺԶԿ	Շանլուրֆա (<i>Şanlıurfa</i>)	ՃՈՒԿ
Բարթըն (<i>Bartın</i>)	ԺԶԿ	Քահրամանմարաշ (<i>Kahramanmaraş</i>)	ԱՇԿ	Շըրնաք (<i>Şirnak</i>)	ՀԱԴԵՓ
Բաթման (<i>Batman</i>)	ՀԱԴԵՓ	Քարաբյուք (<i>Karabük</i>)	ԱՇԿ	Թեքիրդաğ (<i>Tekirdağ</i>)	ԺԶԿ
Բայբուրթ (<i>Bayburt</i>)	ԱԿ	Քարաման (<i>Karaman</i>)	ԱՇԿ	Թոքատ (<i>Tokat</i>)	ԱՇԿ
Բիլեջիկ (<i>Bilecik</i>)	ԺԶԿ	Կարս (<i>Kars</i>)	ՀԱԴԵՓ	Տրաբզոն (<i>Trabzon</i>)	ԱՇԿ
Բինգյոլ (<i>Bingöl</i>)	ԱԿ	Քաստամոնու (<i>Kastamonu</i>)	ԺԶԿ	Թունջելի (<i>Tunceli</i>)	անկախ
Բիթլիս (<i>Bitlis</i>)	ԱԿ	Քայսերի (<i>Kayseri</i>)	ԱՇԿ	Ուշաք (<i>Uşak</i>)	ԺԶԿ
Բոլու (<i>Bolu</i>)	ԺԶԿ	Քըրըքքալե (<i>Kırkkale</i>)	ԱՇԿ	Վան (<i>Van</i>)	ՀԱԴԵՓ
Բուրդուր (<i>Burdur</i>)	ԱՇԿ	Քըրքլարելի (<i>Kırklareli</i>)	ԺԶԿ	Յալովա (<i>Yalova</i>)	ԺԶԿ
Բուրսա (<i>Bursa</i>)	ԺԶԿ	Քըրշեհիր (<i>Kırşehir</i>)	ԱՇԿ	Յոզգատ (<i>Yozgat</i>)	ԱՇԿ
Չանաքքալե (<i>Çanakkale</i>)	ԺԶԿ	Քիլիս (<i>Kilis</i>)	ՃՈՒԿ	Չոնգուլդաք (<i>Zonguldak</i>)	ԺԶԿ
Չանքըրը (<i>Çankırı</i>)	ԱՇԿ	Քոզանելի (<i>Kocaeli</i>)	ԺԶԿ		
Չորում (<i>Çorum</i>)	ԱՇԿ	Քոնիա (<i>Konya</i>)	ԱԿ		
Դենիզլի (<i>Denizli</i>)	ԺԶԿ	Քյուտահյա (<i>Kütahya</i>)	ՃՈՒԿ		
Դիարբեքիր (<i>Diyarbakır</i>)	ՀԱԴԵՓ	Մալաթիա (<i>Malatya</i>)	ԱԿ		
Էդիրնե (<i>Edirne</i>)	ԺԶԿ	Մանիսա (<i>Manisa</i>)	ԺԶԿ		
Էլազըղ (<i>Elazığ</i>)	Անկախ	Մարդին (<i>Mardin</i>)	ՀԱԴԵՓ		
Էրզինջան (<i>Erzincan</i>)	ԱՇԿ	Մուղլա (<i>Muğla</i>)	ԺԶԿ		
ողջ Թուրքիայում՝ ԺԶԿ					

¹ <http://www.belgenet.com/secim/secim1999.htm>, http://www.belgenet.com/ayrinti.php?yil_id=13

Հավելված 3

1995թ. դեկտեմբերի 24-ին Թուրքիայում կայացած խորհրդարանական ընտրությունների արդյունքները¹

ա. ընտրատարածք, բ. հաղթանակած կուսակցություն

ա.	բ.	ա.	բ.	ա.	բ.
Ադանա (<i>Adana</i>)	ԺՁԿ	Էրզրում (<i>Erzurum</i>)	ԲԿ	Մուշ (<i>Muş</i>)	ԲԿ
Ադըլաման (<i>Adıyaman</i>)	ԲԿ	Էսքիշեհիր (<i>Eskişehir</i>)	ԺՁԿ	Նևշեհիր (<i>Nevşehir</i>)	ԲԿ
Աֆիոն (<i>Afyon</i>)	ՃՈՒԿ	Գազիանթեփ (<i>Gaziantep</i>)	ԲԿ	Նիդդե (<i>Niğde</i>)	ՃՈՒԿ
Ադրը (<i>Ağrı</i>)	ԲԿ	Գիրեսուն (<i>Giresun</i>)	ՄՀԿ	Օրդու (<i>Ordu</i>)	ՄՀԿ
Աքսարայ (<i>Aksaray</i>)	ԲԿ	Գյումուշհանե (<i>Gümüşhane</i>)	ԲԿ	Ռիզե (<i>Rize</i>)	ՄՀԿ
Ամասիա (<i>Amasya</i>)	ԲԿ	Հաքքարի (<i>Hakkari</i>)	ՀԱՂԵՓ	Սաքարիա (<i>Sakarya</i>)	ԲԿ
Անկարա (<i>Ankara</i>)	ՄՀԿ	Հաթայ (<i>Hatay</i>)	ՀԺԿ	Սամսուն (<i>Samsun</i>)	ՄՀԿ
Անթալիա (<i>Antalya</i>)	ՃՈՒԿ	Իչել (<i>Içel</i>)	ՄՀԿ	Սիիրթ (<i>Siirt</i>)	ԲԿ
Արդահան (<i>Ardahan</i>)	ՃՈՒԿ	Իգդիր (<i>Iğdır</i>)	ՀԱՂԵՓ	Սինոփ (<i>Sinop</i>)	ՄՀԿ
Արդվին (<i>Artvin</i>)	ՄՀԿ	Ըսփարթա (<i>Isparta</i>)	ՃՈՒԿ	Սիվաս (<i>Sivas</i>)	ԲԿ
Այդին (<i>Aydın</i>)	ՃՈՒԿ	Ստամբուլ (<i>İstanbul</i>)	ԲԿ	Շանլուրֆա (<i>Şanlıurfa</i>)	ԲԿ
Բալըքեսիր (<i>Balıkesir</i>)	ՃՈՒԿ	Իզմիր (<i>İzmir</i>)	ԺՁԿ	Շըրնաք (<i>Şirnak</i>)	ՃՈՒԿ
Բարթըն (<i>Bartın</i>)	ԺՁԿ	Քահրամանմարաշ (<i>Kahramanmaraş</i>)	ԲԿ	Թեքիրդաղ (<i>Tekirdağ</i>)	ԺՁԿ
Բաթման (<i>Batman</i>)	ՀԱՂԵՓ	Քարաբյուք (<i>Karabük</i>)	ՃՈՒԿ	Թոքատ (<i>Tokat</i>)	ԲԿ
Բայբուրթ (<i>Bayburt</i>)	ԲԿ	Քարաման (<i>Karaman</i>)	ԲԿ	Տրաբզոն (<i>Trabzon</i>)	ՄՀԿ
Բիլեցիկ (<i>Bilecik</i>)	ՃՈՒԿ	Կարս (<i>Kars</i>)	ԲԿ	Թունցելի (<i>Tunceli</i>)	ՀԺԿ
Բինգյոլ (<i>Bingöl</i>)	ԲԿ	Քաստամոնու (<i>Kastamonu</i>)	ՃՈՒԿ	Ուշաք (<i>Uşak</i>)	ԺՁԿ
Բիթլիս (<i>Bitlis</i>)	ԲԿ	Քայսերի (<i>Kayseri</i>)	ԲԿ	Վան (<i>Van</i>)	ՀԱՂԵՓ
Բոլու (<i>Bolu</i>)	ԲԿ	Քըրրքքալե (<i>Kırkkale</i>)	ԲԿ	Յալովա (<i>Yalova</i>)	ՄՀԿ
Բուրդուր (<i>Burdur</i>)	ՃՈՒԿ	Քըրքլարելի (<i>Kırklareli</i>)	ԺՁԿ	Յոզգաթ (<i>Yozgat</i>)	ԲԿ
Բուրսա (<i>Bursa</i>)	ՃՈՒԿ	Քըրշեհիր (<i>Kırşehir</i>)	ՄՀԿ	Չոնգուլդաք (<i>Zonguldak</i>)	ԺՁԿ
Չանաքքալե (<i>Çanakkale</i>)	ՃՈՒԿ	Քիլիս (<i>Kilis</i>)	ՃՈՒԿ		
Չանքըրը (<i>Çankırı</i>)	ԲԿ	Քոցաելի (<i>Kocaeli</i>)	ԲԿ		
Չորում (<i>Çorum</i>)	ԲԿ	Քոնիա (<i>Konya</i>)	ԲԿ		
Դենիզլի (<i>Denizli</i>)	ՃՈՒԿ	Քյուլթահիա (<i>Kütahya</i>)	ԲԿ		
Դիարբեքիր (<i>Diyarbakır</i>)	ՀԱՂԵՓ	Մալաթիա (<i>Malatya</i>)	ԲԿ		
Էդիրնե (<i>Edirne</i>)	ԺՁԿ	Մանիսա (<i>Manisa</i>)	ՃՈՒԿ		
Էլազըղ (<i>Elazığ</i>)	ԲԿ	Մարդին (<i>Mardin</i>)	ՄՀԿ		
Էրզինջան (<i>Erzincan</i>)	ԲԿ	Մուղլա (<i>Muğla</i>)	ՃՈՒԿ		
ողջ Թուրքիայում՝ ԲԿ					

¹ http://www.belgenet.com/ayrinti.php?yil_id=12

Հավելված 4

1999թ. ապրիլի 18-ի տեղական ինքնակառավարման մարմինների ընտրությունների (մեծ քաղաքների քաղաքապետեր) պատկերը¹

կուսակցություն	քվե (%)	քաղաքապետերի ընդհանուր թիվը
ԱԿ	23,37%	4
ԺԶԿ	19,28%	4
ՄՀԿ	16,87%	2
ՀԺԿ	16,52%	3
ԱՇԿ	10,35%	1
ՃՈԿ	7,38%	
ՀԱԴԵՓ	3,82%	1

ԱԿ	Անկարա, Ստամբուլ, Կայսերի, Քոնիա
ԺԶԿ	Էսքիշեհիր, Իչել, Իզմիր, Բուրսա
ՄՀԿ	Ադանա, Սամսուն
ՀԺԿ	Անթալիա, Գազիանթեփ, Քոջաեղի
ԱՇԿ	Էրզրում
ՀԱԴԵՓ	Դիարբեքիր

¹ http://www.belgenet.com/bsehir_ayrinti.php?yil_id=1

Հավելված 5

1999թ. և 2004թ. Թուրքիայում կայացած տեղական ինքնակառավարման մարմինների ընտրությունների արդյունքները¹

վիլայեթներ	1999թ.	2004թ.	վիլայեթներ	1999թ.	2004թ.
	կուս. (%)	կուս. (%)		կուս. (%)	կուս. (%)
1	2	3	1	2	3
Ադանա (<i>Adana</i>)	ՄՀԿ 26.4%	ԱԶԿ 39.8%	Քըրշեհիր (<i>Kırşehir</i>)	ԱՇԿ 35.9%	ԱԶԿ 34.73%
Ադըյաման (<i>Adıyaman</i>)	ԱԿ 27%	ԱԶԿ 45.39%	Իզմիթ (<i>Izmit</i>)	ՀԺԿ 40.2%	ԱԶԿ 51.02%
Աֆիոն (<i>Afyon</i>)	ԱՇԿ 31.1%	ԱԶԿ 50.68%	Քոնիա (<i>Konya</i>)	ԱԿ 48.5%	ԱԶԿ 63.63%
Ադըրը (<i>Ağrı</i>)	ՀԱԴԵՓ 19.6%	ԱԶԿ 49.84%	Քյուտահիա (<i>Kütahya</i>)	ԱԿ 28.3%	ԱԶԿ 57.59%
Ամասիա (<i>Amasya</i>)	ԱՇԿ 24.1%	ԱԶԿ 47.95%	Մալաթիա (<i>Malatya</i>)	ԱՇԿ 36.5%	ԱԶԿ 50.75%
Անկարա (<i>Ankara</i>)	ԱԿ 33.8%	ԱԶԿ 54.84%	Մանիսա (<i>Manisa</i>)	ՄՀԿ 24.3%	ԱԶԿ 37.82%
Անթալիա (<i>Antalya</i>)	ՀԺԿ 21.9%	ԱԶԿ 33.3%	Քահրամանմարաշ (<i>Kahramanmaraş</i>)	ԱԿ 36.3%	ԱԶԿ 65.49%
Արդվին (<i>Artvin</i>)	ՀԺԿ 30.9%	ՀԺԿ 45.65%	Մարդին (<i>Mardin</i>)	ՃՈւԿ 25.2%	ԵԿ 26.96%
Այդըն (<i>Aydın</i>)	ՄՀԿ 37.5%	ԱԶԿ 45.4%	Մուղլա (<i>Muğla</i>)	ՀԺԿ 37.2%	ՀԺԿ 43.1%
Բալիքեսիր (<i>Balıkesir</i>)	ՄՀԿ 29.5%	ԱԶԿ 44.4%	Մուշ (<i>Muş</i>)	ԱՇԿ 21.7%	ԱԶԿ 35.66%
Բիլեջիկ (<i>Bilecik</i>)	ՀԺԿ 42.9%	ԱԶԿ 37.17%	Նևշեհիր (<i>Nevşehir</i>)	ԱԿ 30.1%	ԱԶԿ 45.67%
Բինգյոլ (<i>Bingöl</i>)	ՀԱԴԵՓ 26.6%	ԱԶԿ 39.81%	Նիդե (<i>Niğde</i>)	ԱՇԿ 32%	ԱՇԿ 38.05%
Բիթլիս (<i>Bitlis</i>)	ԱԿ 23.4%	ԱԶԿ 28.94%	Օրդու (<i>Ordu</i>)	ՄՀԿ 29.1%	ԺԶԿ 38.71%
Բոլու (<i>Bolu</i>)	ԺԶԿ 25.8%	ԱԶԿ 47.27%	Ռիզե (<i>Rize</i>)	ՄՀԿ 48.4%	ԱԶԿ 52.21%
Բուրդուր (<i>Burdur</i>)	ՀԺԿ 31%	ԱԶԿ 45.8%	Սաքարիա (<i>Sakarya</i>)	ԱԿ 35.9%	ԱԶԿ 35.36%
Բուրսա (<i>Bursa</i>)	ԺԶԿ 29.8%	ԱԶԿ 51.67%	Սամսուն (<i>Samsun</i>)	ՄՀԿ 28%	ԱԶԿ 46.25%
Չանաքքալե (<i>Çanakkale</i>)	ՀԺԿ 24.5%	ՀԺԿ 46%	Սիիրթ (<i>Sirt</i>)	ՀԱԴԵՓ 38.6%	ԱԶԿ 53.53%
Չանքըրը (<i>Çankırı</i>)	ԱՇԿ 44.5%	ԱԶԿ 57.78%	Սինոփ (<i>Sinop</i>)	ՄՀԿ 23.4%	ԱԶԿ 30.43%
Չորում (<i>Çorum</i>)	ԱԿ 31.3%	ԱԶԿ 46.1%	Սիվաս (<i>Sivas</i>)	ԱԿ 40.7%	ԱԶԿ 50.57%
Դենիզլի (<i>Denizli</i>)	ՃՈւԿ 22.5%	ԱԶԿ 52%	Թեքիրդաղ (<i>Tekirdağ</i>)	ՄՀԿ 29.2%	ԱԶԿ 32.5%
Դիարբեքիր (<i>Diyarbakır</i>)	ՀԱԴԵՓ 62.5%	ՄԺԺԿ 61%	Թոքատ (<i>Tokat</i>)	ԱԿ 32%	ԱԶԿ 47.49%
Էդիրնե (<i>Edirne</i>)	ՄՀԿ 30.6%	ՀԺԿ 31.94%	Տրապիզոն (<i>Trabzon</i>)	ԱԿ 34.3%	ՀԺԿ 35.97%
Էլազըղ (<i>Elazığ</i>)	ԱԿ 42.9%	ՃՈւԿ 38%	Թունջելի (<i>Tunceli</i>)	ՀԺԿ 25.6%	ՄԺԺԿ 35.78%
Էրզինջան (<i>Erzincan</i>)	ԱՇԿ 33.5%	ԱԶԿ 51.33%	Շ. Ուրֆա (<i>Ş. Urfa</i>)	ԱԿ 41.4%	ԱԶԿ 60.35%
Էրզրում (<i>Erzurum</i>)	ԱՇԿ 36.4%	ԱԶԿ 61.31%	Ուշաք (<i>Uşak</i>)	ԱՇԿ 38.6%	ԱԶԿ 35.13%

¹ <http://www.belgenet.com/>
<http://www.milliyet.com.tr/ozel/siyaset/secim2004/default.asp?ID=17>
 2004թ. տեղական ինքնակառավարման մարմինների ընտրությունների ժամանակ Սոցիալ-ժողովրդավարական ժողովրդական (ՄԺԺԿ) կուսակցությունը նախընտրական դաշինք էր կազմել ԴԵՀԱՓ-ի հետ:

Թուրքական խորհրդարանական ընտրությունների և կրասկզական համակարգի որոշ արանձնահատկությունների շուրջ համառոտ դիտարկում

1	2	3	1	2	3
Էսքիշեհիր (<i>Eskişehir</i>)	ԺՉԿ 42.9%	ԺՉԿ 44.76%	Վան (<i>Van</i>)	ՀԱՂԵՓ 44.6%	ԱՉԿ 47.62%
Գազիանթեփ (<i>Gaziantep</i>)	ՀԺԿ 32%	ԱՉԿ 54.7%	Յալովա (<i>Yalova</i>)	ՄՀԿ 24.3%	ԱՉԿ 30.26%
Գիրեսուն (<i>Giresun</i>)	ՀԺԿ 31.1%	ԱՉԿ 37.99%	Յոզգաթ (<i>Yozgat</i>)	ԱՇԿ 41.3%	ԱՉԿ 60.07%
Գյումուշհանե (<i>Gümüşhane</i>)	ԱՇԿ 33.3%	ԱՇԿ 35.35%	Ջոնգուլդակ (<i>Zonguldak</i>)	ԺՉԿ 56.3%	ԱՉԿ 36.64%
Հաքքարի (<i>Hakkari</i>)	ՀԱՂԵՓ 55.8%	ԱԺԿ 60.7%	Աքսարայ (<i>Aksaray</i>)	ԱՇԿ 46.9%	ԱՉԿ 44.31%
Անթաքիա (<i>Antakya</i>)	ՀԺԿ 25.6%	ԱՉԿ 50.09%	Բայբուրթ (<i>Bayburt</i>)	ԱՇԿ 31%	ԱՉԿ 30.28%
Լսփարթա (<i>Isparta</i>)	ԱՇԿ 39.5%	ԱՉԿ 49.67%	Քարաման (<i>Karaman</i>)	ԱՇԿ 31.7%	ԱՉԿ 41.76%
Մերսին (<i>Mersin</i>)	ԺՉԿ 19.4%	ՀԺԿ 34.06%	Քրրոքքալե (<i>Kırkkale</i>)	ԱՇԿ 27.9%	ԱՉԿ 39.18%
Ստամբուլ (<i>İstanbul</i>)	ԱԿ 27.5%	ԱՉԿ 45.86%	Բաթման (<i>Batman</i>)	ՀԱՂԵՓ 57.2%	ՍԺԺԿ 73.64%
Իզմիր (<i>İzmir</i>)	ԺՉԿ 30.5%	ՀԺԿ 47.47%	Շրնաք (<i>Şirnak</i>)	ՄՀԿ 34.8%	ՍԺԺԿ 40.86%
Կարս (<i>Kars</i>)	ՄՀԿ 26.3%	ԱՉԿ 48.72%	Բարթին (<i>Bartın</i>)	ԺՉԿ 34.1%	ԺՉԿ 60.38%
Քաստամունու (<i>Kastamonu</i>)	ԱՇԿ 29.1%	ԱՇԿ 48.54%	Արդահան (<i>Ardahan</i>)	ԺՉԿ 27.7%	Անկախ 26.54%
Քայսերի (<i>Kayseri</i>)	ԱԿ 39%	ԱՉԿ 70.24%	Իգդիր (<i>Iğdir</i>)	ԱՇԿ 40.2%	ԱՇԿ 42.19%
Քրրքլարեղի (<i>Kırklareli</i>)	ԱՇԿ 24.2%	ՀԺԿ 31.4%	Օսմանիե (<i>Osmaniye</i>)	ԱՇԿ 40%	ԱՉԿ 38.27%
Քարաբյուք (<i>Karabük</i>)	ՃՈւԿ 27.9%	ԱՉԿ 57.4%	Դյուզդե (<i>Düzce</i>)	ԱԿ 36.8%	ԱՉԿ 63.9%
Քիլիս (<i>Kilis</i>)	ԺՉԿ 30.4%	ԱՉԿ 57.4%			

2004թ. Թուրքիայում կայացած տեղական ինքնակառավարման մարմինների ընտրությունների արդյունքները¹

2004թ.		
ԱՉԿ	12.534.684 քվե	41.9%
ՀԺԿ	5.448.423 քվե	18.2%
ԱՇԿ	3.135.270 քվե	10.5%
ՃՈւԿ	3.030.163 քվե	10.1%
ՍԺԺԿ	1.457.766 քվե	4.9%
ԵԿ	1.190.996 քվե	4%
ԵրիտԿ	772.702 քվե	2.6%
ՄՀԿ	739.540 քվե	2.5%
ԺՉԿ	635.768 քվե	2.1%
Աղբյուրը՝		

¹ <http://www.belgenet.com/>
<http://www.milliyet.com.tr/ozel/siyaset/secim2004/default.asp?ID=17>

Հավելված 6

1999թ. ապրիլի 18-ին Թուրքիայում կայացած տեղական ինքնակառավարման մարմինների ընտրությունների արդյունքները¹

կուսակցություն	քվե (%)
ԱԿ	18,40%
ԺԶԿ	15,19%
ՄՀԿ	17,43%
ՀԺԿ	13,83%
ԱՇԿ	15,14%
ՃՈւԿ	12,75%

¹ http://www.belgenet.com/belediye_ayrinti.php?yil_id=13

Հավելված 7

1991թ. Թուրքիայում կայացած խորհրդարանական ընտրությունների արդյունքները¹

կուսակցություն	քվե (%)	քվեների ընդհանուր քանակը	պատգամավորների թիվը
ՃՈւԿ	27.03%	6.600.726	178
ՄՀԿ	24.01%	5.862.623	115
ՉԺԿ	20.75%	5.066.571	88
ԲԿ ²	16.88%	4.121.355	62
ԺԶԿ	10.75%	2.624.301	7

Այսպիսով, խորհրդարանում ներկայացված չէ ընդամենը 0,58% քվե:

¹ http://www.belgenet.net/ayrinti.php?yil_id=11

² 1991թ. խորհրդարանական ընտրությունների ժամանակ ԲԿ-ն նախընտրական դաշինք էր կազմել ԱՇԿ-ի հետ:

Կուսակցությունների անվանումների հապավումներ

ԱԶԿ - Արդարություն և զարգացում կուսակցություն (թուրք.՝ *AKP, Adalet ve Kalkınma Partisi*)

ԱԿ - Առաքինություն կուսակցություն (թուրք.՝ *FP, Fazilet Partisi*)

ԱՇԿ - Ազգայնական շարժում կուսակցություն (թուրք.՝ *MHP, Milliyetçi Hareket Partisi*)

ԲԿ - Բարօրություն կուսակցություն (թուրք.՝ *RP, Refah Partisi*)¹

ԵրիտԿ - Երիտասարդական կուսակցություն (թուրք.՝ *GP, Genç Parti*)

ԵԿ - Երջանկություն կուսակցություն (թուրք.՝ *SP, Saadet Partisi*)

ՀԺԿ - Հանրապետական ժողովրդական կուսակցություն (թուրք.՝ *CHP, Cumhuriyet Halk Partisi*)

ԺԶԿ - Ժողովրդավարական ձախ կուսակցություն (թուրք.՝ *DSP, Demokratik Sol Parti*)

ՄՀԿ - Մայր հայրենիք կուսակցություն (թուրք.՝ *ANAP, Anavatan Partisi*)

ՄՄԿ - Մեծ միասնություն կուսակցություն (թուրք.՝ *BBP, Büyük Birlik Partisi*)

ՃՈԿ - Ճշմարիտ ուղի կուսակցություն (թուրք.՝ *DYP, Doğru Yol Partisi*)

ՀԱԴԵՓ - Ժողովրդի ժողովրդավարական կուսակցություն (թուրք.՝ *HADEP, Halkın Demokrasi Partisi*)

ԴԵՀԱՓ - Ժողովրդավարական ժողովրդական կուսակցություն (թուրք.՝ *DEHAP, Demokratik Halk Partisi*)

ԺԲԿ - Ժողովրդի բարձրացման կուսակցություն (թուրք.՝ *HYP, Halkın Yükselişi Partisi*)

ՄԺԿ - Սոցիալ-ժողովրդավարական կուսակցություն (թուրք.՝ *SHP, Sosyal Demokrat Partisi*)

¹ Բարօրություն կուսակցությունը (թուրք.՝ *Refah Partisi*) հիմնադրվել է 1983թ. հուլիսի 19-ին՝ Ալի Վուրալի, Մուստաֆա Քոչի, Օսման Ասլանի, Հասան Յըլմազի և այլոց կողմից: Գործել է մինչև 1998թ. հունվարի 16-ը: Փակվելուց հետո վերանվանվեց Առաքինություն կուսակցության (թուրք.՝ *Fazilet Partisi*). գործել է 1997թ. դեկտեմբերի 17-ից մինչև 2001թ. հունիսի 22-ը: Արդեն 2001թ. Առաքինություն կուսակցությունից առաջացան երկու կուսակցություններ՝ Երջանկություն կուսակցությունը (թուրք.՝ *Saadet Partisi*) ու Արդարություն և զարգացում կուսակցությունը (թուրք.՝ *Adalet ve Kalkınma Partisi*):